

تأليف: مريم توركان

من
فضلك

لو
سمحت

كيف

بعد
إذنك

تم

تُرَقِّى بِمُودَكَ
لمود
عيون اللوسمحت

شكرًا

حاضر

دليلك العملي للسعادة
بدون مجهود

من
عيونى

تسلم

ربنا
يخليك

متشكر

أي
خدمة





مود عيون اللوسمحت

مريم توركان

حقوق الملكية الفكرية

كتاب: كيف ترقى بمودك لمود عيون اللوسمحت

تأليف: مريم توركان (ستو مريم)

فريق العمل والإخراج الفني:

تمت مراجعة وإخراج هذا العمل بواسطة فريق MT
:Academy Freelancer

التدقيق اللغوي والنحوي: قسم اللغة العربية بـ MT
.Academy

التصميم الجرافيكي والغلاف: وحدة التصميم بـ MT
.Academy

التنسيق الداخلي (MT Academy Support Typist).

حقوق النشر: جميع الحقوق محفوظة للكاتبة ولـ MT
.Academy © 2026

"أصل الحكاية تاريخ.. وفنّها تدقيق"

للتواصل مع فريق العمل أو طلب خدماتنا:

عبر التليجرام: MT_Academy_Support@

قناة الواتس اب الرسـمـية:

<https://whatsapp.com/channel/0029VbCG>

[93p8F2pEmb0hOV0](https://whatsapp.com/channel/0029VbCG)

الإهداء

"إلى الرقة التي هزمت الدبش"

"إلى كل القلوب التي لا تزال تُصر على قول
"شكرًا" في زحام الجحود..

إلى الذين يبتسمون للمارة كأنهم يوزعون
صدقاتٍ مخفية..

إلى "الآنسات" و"السيدات" و"الأفندية"
الذين لم تُغيرهم خشونة الأيام، فظّلت
كلماتهم كقطع السكر في كوب شايٍ مر..

إلى الذين إذا طُلب منهم شيءٌ قالوا "من
عيوني"، وإذا قُدم لهم شيءٌ قالوا "تسلم
إيدك" ..

أهديكم هذا الكتاب.. لا لتتعلموا اللطافة، بل
لنحتفل معًا بأننا لا نزال "بني آدمين شيك"
في عالمٍ يحتاجُ الكثير من "الوسمحت".

تمهيد

"تنبيه (قبل ما مودك يعلى)"

عزيزي القارئ/ القارئة:

الكتاب دا مش "برس-تيج" كذاب، ولا

"إتيكيت" معقد يخايك تمشي بمسطرة.

الكتاب دا هو "مرطب منعش" لروحك.

قبل البدء، نرجو منك:

استحضار "نظرة اللوسمحت" (نظرة

هادئة، مسالمة، واثقة).

اشرب حاجة بتحبها (قهوة بوش، يانسون،

شاي بالنعناع، أو حتى مياه ساقعة بلمسة

ليمون).

خد نفس عميق.. وزفيره مع كلمة "يا فتاح

يا عليم.. يا رزاق يا كريم".

المقدمة

يا مساء الورد والياسمين على الناس اللي
"الذوق" بيجري في دمها..

عزيزي القارئ، هل سألت نفسك في يوم:
ليه بتتفتح لك بعض الأبواب بكلمة، وتتسد
في وشك بوابات بـ"خناقة"؟

الحقيقة إننا نعيش في زمن بقى فيه
"الردح" شطارة، و"طولة اللسان" قوة،
ونسينا أن العالم خُلِق بكلمة، ويمكن أن
يُحكم بكلمة "رقية".

الكتاب دا مش كتاب تنمية بشرية يقولك
إزاي "تتصنع" السعادة، لأ دا رحلة
لاستعادة "الأصول".

إحنا هنا بنقولك إزاي ترفع "مودك" لدرجة
مود "عيون اللوسمحت"؛ الحالة دي هي
الحالة الملكية اللي تخليك تاخد اللي عايزه

بابتسامة، وتُجبر الآخرين على احترامك
بالذوق، وتكتشف أن "اللطافة" هي أقصر
طريق للراحة النفسية.

في الصفحات القادمة، هتلاقي حكايات
لأشخاص بسطاء، غيروا يومهم (ويوم
غيرهم) بمجرد "حاضر" أو "من عيوني".
هتعرف إنك لما بتسعد غيرك بكلمة، فأنت
في الحقيقة بتعيد شحن بطارية سعادتك
الشخصية "من غير مجهود".

اربط حزام الرقعة، وافتح قلبك.. ويلا بينا
نرقّي الموود، لو سمحت!

الحكاية الأولى

قانون مود عيون اللو سمحت رقم
(1):

ابتسامتك في وش حد متعرفوش هي رسالة
بتقول له: (الدنيا لسه بخير).. والكلمة
الحلوة مش بس بتمسح تعب اللي قدامك،
دي بتتور قلبك أنت الأول.

مظلة الحب في عز الشمس

في يوم من أيام الصيف الصعبة، كانت
بطلتنا "نور" واقفة مستتية المواصلات،
والشمس كانت "بتحضن" الرصيف بقوة.
جنبها كان فيه راجل مسن، شاييل أكياس
ثقيلة، والعرق باين على وشه من التعب.

نور مكنش في إيدها غير "شمسية"
صغيرة ملونة، ومن غير تفكير، قربت منه

ورفعت الشمسية عشان تظل عليه هو
الأول. الراجل بص لها بابتسامة اندهاش
جميلة، ونور قالت له بصوت هادي: "لو
سمحت يا حاج، خليني أشاركك الضل،
المشوار لسه طويل والشمس النهارده حابة
تشاركنا اليوم.

الراجل المسن ملامحه هديت تمامًا، وطلع
من جيبيه "بونبوني" وقدمه لها وهو
بيقول: "تسلم إيدك يا بنتي.. رقتك دي
بردت نار الشمس في قلبي قبل ما تبردها
فوق راسي." نور ركبت مواصلتها وهي
حاسة إنها طائرة، مش عشان عملت حاجة
كبيرة، بس عشان "مود عيون اللو
سمحت" خلى لحظة حر وتعيب تتحول
لذكرى حلوة ما بتتنسيش.

كيسولة لطافة:

اللطيف هو اللغة التي بيسمعها الأصم
وبيشوفها الأعمى.. ماتستخسرش في العالم
رقتك، لأنها هي التي بتخلي الأيام الصعبة
تعدي بخفة.

الحكاية الثانية

قانون مود عيون الو سمحت رقم
(2):

البيت مش حيطان، البيت (كلمة حوة)
بتتقال وإحنا تعبانيين.. "تسلم إيدك" أقوى
من أي بهارات، و"حاضر من عيوني"
بتدوب أي جبل من الزعل.

سحر الشاي بالنعناع

بطلنا "ياسين" رجع من شغله لقي زوجته
"سارة" قاعدة وسط كركبة البيت ولعب
الولاد، وباين عليها إن اليوم كان طويل
ومجهد جدًا. ياسين ما قدمش أي
"ملاحظات" على الكركبة، بالعكس، دخل
المطبخ بهدوء وعمل كوبايتين شاي
بالنعناع، وحطهم قدام سارة وقال لها
بابتسامة: "بعد إذك يا ست الكل، ممكن

تفصلي من العالم 5 دقائق وتشربي الشاي
ده من إيدي؟ عيونك بتقول إنك محتاجة
رشة لطافة."

سارة مكنتش محتاجة أكثر من كده..
الابتسامة رجعت لوشها، والكرنبه اللي
كانت شايفها "هم" بقت مجرد لعب ولادها
اللي بتحبههم. بكلمة "لو سمحت" وبفعل
بسيط، ياسين حول طاقة البيت من
"إرهاق" لـ "احتواء".

الحكاية الثالثة

قانون مود عيون اللو سمحت رقم
(3):

الشغل مش بس أرقام وتارجت، الشغل
(جبر خاطر).. كلمة "لو سمحت" لزميلك
قبل ما تطلب منه حاجة هي اللي بتخلي
"السيستم" يمشي بالحب مش بالأمر،
وكلمة "شكرًا على تعبك" هي المكافأة
الحقيقية اللي بتشحن الروح قبل الراتب.

"هاني" (موظف حسابات دقيق جدًا وعصبي)، و"عم محمد" (مسؤول البوفيه في الشركة، راجل بشوش وقلبه أبيض).
تبدأ الحكاية:

في يوم "تقفيل الميزانية"، الشركة كانت عبارة عن خلية نحل مضغوطة. "هاني" كان قاعد وسط تلال من الورق، ووشه مبيض حكش للرغيف الساخن. دخل "عم محمد" المكتب بهدوء وحط القهوة، هاني من غير ما يبص له قال بزعيق: "القهوة اتأخرت يا عم محمد، والسكر زيادة، هو أنا ناقص!"

عم محمد انسحب بهدوء من غير ولا كلمة. بعدها بدقائق، "سلمى" زميلة هاني دخلت، وشافت الموقف. سلمى قررت تطبق "مود عيون اللوسمحت". راحت لعم محمد

المطبخ، وقالت له بابتسامة رقيقة: "لو سمحت يا عم محمد، ممكن فنجان قهوة من إيدك السكرية دي؟ وبجد تسلم إيدك على وقفك معانا في الزحمة دي، إحنا من غيرك كنا هنفصل خالص".

المفاجأة:

عم محمد وشه نور، وطلع أحلى فنجان قهوة، مش بس كده، ده جاب معاه بسكوييت كان شايله لنفسه وقدمه لسلمي بحب. لما هاني شاف الفرق، سأل سلمى: "اشمعى أنتِ القهوة جت لك بسرعة ومعها دلع؟". سلمى ردت بلطافة: "عشان القهوة يا هاني بتعمل بـ "النفس"، وعم محمد نفسه اتسدت بكلمتك.. جرب تقول "لو سمحت" وشوف الطعم هيفتلف إزاي".

هاني فكر ثانية، وبعث لعم محمد "إيميل"
(أيوه، إيميل رسمي من بتاع الشغل!) بس
كان محتواه: "عم محمد، لو سمحت
سامحني على عصبيتي، وتسلم إيدك على
القهوة، أنت بجد عمود الخيمة في
المكتب". من يومها، وهاني بقى "الملك"
في المكتب، والكل بيخدمه بعيونه لمجرد
إنه غير لهجته لـ "اللوسمحت".

كبسولة لطافة:

المدير الشاطر أو الزميل الجدع هو اللي
بيعرف إن "التقدير" هو اللي بيحرك البشر
مش "الأوامر". ابدأ يومك في الشغل بكلمة
طيبة لعامل المكتب أو زميلك، وهتلاقي
الشغل "بيجري" لوحده والضغط بقت
خفيفة زي الريشة".

الحكاية الرابعة

قانون مود عيون اللو سمحت رقم
(4):

اللطافة مش بس للي بي فهم كلامك، اللطافة
لغة بيحس بيها الطير والقطة وحتى
"روحك" اللي شائلة معاك الهم.. لما بترجم
كائن ضعيف أو تططبب على نفسك بكلمة
حزينة، أنت كدة بتوصل لأعلى ليفل في
"عيون اللو سمحت".. ليفل الصفاء
الحقيقي.

"نجمة" (بنت بتشتغل في الديكور، دايماً
مهتمة بالتفاصيل)، و"قطة شارع" غلباوية
كانت دايماً بتستناها قدام البيت.

تبدأ الحكاية:

نجمة كانت راجعة من يوم شغل "يهد
الحيل"، والجو كان بيمطر مطر خفيف

وبرد. وهي داخلة من باب العمارة، لقت
القطّة مستخبية تحت سلم ومبلولة
وبتترعش. نجمة رغم تعبها، مانسيتش
"مود اللوسمحت". طلعت علبة تونة كانت
شرياها لنفسها، وفتحتها وقربت من القطّة
وقالت لها بهدوء: "لو سمحت يا لولو،
تعالى كلى وادفي، الدنيا برا صعبة بس إحنا
لبعض".

القطّة بدأت تاكل وهي بتطلع صوت
"خرخرة" ملىان راحة. في اللحظة دي،
نجمة بصت لزرعة صبار صغيرة في بلكونة
الدور الأرضي كانت دبلانة وعطشانة،
راحت جابت مية وسقتها وقالت: "لو
سمحت يا جميلة، اشربي واكبري، أنت اللي
بتلوني لنا المدخل".

العبرة:

وهي طالعة شقتها، نجمة شافت نفسها في
مراية الأسانسير، كانت ملامحها مرهقة،
بس عيونها كانت "بتلمع" بجمال غريب.
طبطبت على كتفها وقالت لنفسها: "لو
سمحت يا نجمة، سامحي نفسك على أي
تقصير النهارده، أنتِ عملتي اللي عليكِ
وزيادة، ودلوقتي وقت الراحة يا بطة".

نجمة نامت ليلتها دي أعمق نومة في
حياتها، لأن "رأفتها" بالكائنات رجعت لها
في شكل "سلام نفسي" ملهوش تمن.

كيسولة لطافة:

الرحمة مابتتجزأش. اللي يحن على قطة أو
يسقي وردة، قلبه بيفضل أخضر مهما الدنيا
نشفت حواليه. و"لوسمحت" لما تقوليها
لنفسك وقت الضعف، بتبقى أقوى "مضاد
حيوي" ضد اليأس. كوني لطيفة مع العالم..
هيبادلك اللطف بأضعاف.

الحكاية الخامسة

قانون مود عيون اللو سمحت رقم
(5):

الأمان مش بس كلمة بنقولها للبشر، الأمان
"طبطة" وابتسامة بيحس بيها الطير
والحيوان.. لما تدي أمان لكائن ضعيف،
أنت بتزرع حبة من الجنة في الأرض.

مشمشة.. وصبر ميرا

كانت "مشمشة" قطعة صغيرة جدًا، لدرجة
إنك تحس إنها حبة "فرو" تايهة في وسط
الشارع. مشمشة كانت بتخاف من خيالها،
توقف قدام باب شقة "ميرا" وتراقب من
بعيد، وأول ما ميرا تطلع وتحط لها "هدية"
(طبق الأكل)، مشمشة كانت بتخطفه زي
الحرامية وتجري، كأنها مستتية حد

يضربها أو يطردها.. مكائنات حاسة
بالأمان.

ميرا، اللي قلبها مليان بمود "عيون اللو
سمحت"، قررت إن الأكل لوحده مش كفاية.
وفي يوم، استتت مشمشة بابتسامة هادية
جدًا، وقعدت على الأرض عشان تكون في
مستواها، ومدت إيدها بالراحة وبدأت
تطبب عليها. مشمشة في الأول جمدت في
مكانها، وبعدين استسلمت تمامًا للحنان،
وبقت هادية زي النسمة.

ميرا قررت تدي مشمشة "جرعة حنان"
يومية، مش بس أكل. بقت تحضنها
وتطبب عليها، لحد ما مشمشة نسيت
الخوف وبقي باب شقة ميرا هو "وطنها".

وفي يوم، ميرا انشغلت وتأخرت في
الخروج.. مشمشة معملتش زي زمان

وجريت، لأ، دي راحت خبطت برجليها
الصغيرة على الباب! ولما ميرا مخرجتش،
بدأت "تنادي" بمواء رقيق وكأنها بتقول:
"يا ميرا، وحشني الحزن قبل الأكل". أول
ما ميرا فتحت وخرجت لها، مشمشة اترمت
في حضنها، وكأنها بتقول للعالم كله: "أنا
هنا في أمان.. أنا هنا في مود عيون اللو
سمحت".

كبسولة لطافة:

الحب بيغير أصعب الطباع.. خليك سخي في
حنائك حتى مع أصغر الكائنات، لأن مواء
قطعة فرحانة بسببك، كفيل يمسخ عن قلبك
هموم يوم كامل.

الحكاية السادسة

قانون مود عيون اللو سمحت رقم
(6):

الجار قبل الدار.. والطفافة مع الجار مش
بس في السلام، دي في "طبق مستور"
بيلف بين الشقق، وفي سؤال رقيق بيداي
وحدة القلوب.

مفتاح عم عبده.. والسر الهادي

عم عبده، راجل "أفندي" من بتوع زمان،
ساكن في الدور الأول، ودايمًا ريحة بخوره
وسجاده النضيفة واصله لكل السلم. في
الدور اللي فوقه، سكن "عادل"، شاب
مغترب بيش تغل ليل نهار، ودايمًا كان راجع
مجهد ووشه "مشدود" من ضغط الشغل
والوحدة.

عادل كان بيطلع السلم وهو "مكشر"،
ومهما عم عبده حاول يبتسم له، عادل كان
بيكتفي بهزة راس سريعة. بس عم عبده،
بطل "مود عيون اللو سمحت"، كان عارف
إن ورا التكشيرة دي "تعب" مش قلة ذوق.

في يوم، عادل رجع ولقى مفتاحه ضاع
منه، وكان واقف قدام بابه في نص الليل،
واليأس والبرد متمكنين منه. عم عبده فتح
بابه بهدوء وقال له بابتسامة حنونة: "بعد
إذنك يا أستاذ عادل، شقتك الثانية مفتوحة،
اتفضل اشرب كوباية سحلب دافية بالسمس
لحد ما الصبح يطلع ونجيب نجار.. أنت زي
ابني والبيت بيتك."

عادل دخل، وبمجرد ما شرب السحلب
وسمع كلام عم عبده الهادي، حس بـ
"طبطة" مكانش متخيّلها. الابتسامة رجعت

لوشه، ومن يومها بقى عادل هو اللي
بيخبط على عم عبده كل يوم قبل ما ينزل،
ويسأله بـ "مود عيون اللو سمحت":
"تأمرني بحاجة يا حاج وأنا راجع؟".

كبسولة لطافة:

الابتسامة هي المعدي الوحيد اللي بنحب
نُصاب بيه.. ما تحكمش على حد من
"تكشيرته"، يمكن مستتني منك "لو
سمحت" عشان يفتح لك قلبه.

الحكاية السابعة

قانون مود عيون اللو سمحت رقم
(7):

الرد اللطيف مش بس إجابة، ده "جبر
خاطر".. لما حد يطلب منك حاجة بـ (لو
سمحت)، ماتردش بكلمة ناشفة، رد بـ (من
عيون اللو سمحت).. الرد ده كفيـل يخلي
اللي قدامك يحس إنه ملك متوج.

سيمفونية في طابور العيش

في طابور عيش زحمة جدًا والكل واقف
على أعصابه، كانت بطلتنا "هناء" واقفة
وبتحاول تحافظ على هدوئها وسط الزق
والوشوش العبوسة. فجأة، سيدة وقورة
كانت واقفة وراها، باين عليها التعب، قالت
بصوت خجول ورقيق جدًا: "لو سمحت يا

بنّتي، ممكن بس أسند على الحيطّة جنبك
لحظة لأنّي مش قادرة أقف؟"

هناء لفت لها بابتسامة منورة، وبدل ما
تقول "ماشي" أو "اتفضلي" وبس، ردت
عليها بكل رقي وقالت: "من عيون اللو
سمحت يا طنط! مش بس تسندي، ده أنا
هخليك تقفي قدامي كمان عشان تخلصي
أسرع وترتاحي".

الكلمة كانت زي السحر! الست الوقورة
عينيها لمعت بالفرحة، والناس اللي كانوا
واقفين يزعموا سكتوا وبدأوا يبصوا لبعض
بكسوف. فجأة، الشاب اللي قدام في الطابور
التاني لف وقال لهناء: "لو سمحت يا
آنسة، اتفضلي أنتِ وطنط قدام أنا هرجع
ورا وخذوا مكاني".

الطابور اللي كان عبارة عن "دبش"
وخنّاق، اتحول في ثواني لمكان فيه
"نسمة" لطافة، والكل بقى بيتعامل بـ "من
عيوني" و"تسلم إيدك". هناء عرفت إن
"من عيون اللو سمحت" مش مجرد جملة،
دي عدوى جميلة بتغير حال الناس في
لحظة.

كبسولة لطافة:

خلي ردك دائماً (أشيك) من الطلب.. لما
تتعامل بـ (من عيون اللو سمحت)، أنت
مش بس بتنفذ طلب، أنت بتبني جسر من
الود بيخلي اللي قدامك بيتسم من قلبه.

الحكاية الثامنة

قانون مود عيون اللو سمحت رقم
(20):

الانفعال زي النار، لو رميت عليه انفعال
زيه هيحرق الكل.. لكن لو رميت عليه كلمة
(لو سمحت) بابتسامة هادية، هينطفي في
مكانه ويتحول لرماد.. الرقة هي المبرد
الحقيقي للقلوب السخنة.

ساعي البريد والعصبية المفرطة

بطلنا "خالد" موظف في شركة، ومعروف
عنه إنه "بركان" بيغلي، دايماً صوته عالي
وأقل حاجة بتخليه ينفجر. في يوم، دخلت
عليه "لوما" الزميلة الجديدة اللي ماشية
بمبدأ "عيون اللو سمحت"، وكانت محتاجة
منه يمضي على ورقة مهمة جداً وهو في
عز نوبة عصبية بسبب غلطة في السيستم.

خالد زعق وقال: "مش وقته خالص! أنتوا
فاكرين إني قاعد فاضي ليكم؟ اطلعي بره
دلوقتي!".

لوما ملامحها متوترتش، بالعكس، فضلت
واقفة بابتسامة هادية جدًا وقالت له بصوت
واطي ومريح: "حقك عليّ يا أستاذ خالد،
أنا عارفة إن الضغط عليك النهارده فوق
الوصف، وعارفة إن حضرتك أكثر واحد
شايل الشغل هنا.. لو سمحت أول ما تروق
وتخلص اللي في إيدك، الورقة دي محتاجة
لمسة من توقيعك لأنك الأساس في
الموضوع ده."

خالد سكت فجأة.. الانفعال اللي كان مالي
وشه بدأ يختفي، وبص لـ لوما بكسوف
وهو بيقول بصوت واطي: "أنا آسف يا
أنسة لوما، والله فعلاً اليوم صعب.. هاتي

الورقة أمضيها دلوقت، ومن عيون اللو
سمحت كمان عشان صبرك عليّ."

لوما خرجت من المكتب وهي سايبة وراها
"بركان" انطفى، وخالد بعد كده بقى لما
يشوفها بس، "موده" بيتعدل لوحده!

كبسولة لطافة:

اللطافة مع المنفعل مش ضعف، دي ذكاء
عاطفي جبار.. لما تمتص غضب غيرك
بكلمة رقيقة، أنت بتنقذ نفسك من طاقة
سلبية، وتتحول عدوك لصديق في ثواني.

الحكاية التاسعة

قانون مود عيون الو سمحت رقم
(9):

الذوق مش محتاج تكتيك، محتاج بس (قلب
حاضر).. لما تطلب بـ (لو سمحت)، أنت
بتبني قنطرة رقة بينك وبين اللي قدامك،
ولما يرد بـ (من عيون الو سمحت)،
الشمس بتطلع في عز الليل!

تبدأ الحكاية لما المترو كان في "ساعة
الذروة" عبارة عن علبة سردين بشرية،
والكل شايل هم المشوار والحر. في وسط
الزحمة دي، كان فيه شاب اسمه "يحيى"،
لابس قميص مكوي ونضيف، وشايل شنطة
لاب توب، وماشى بابتسامة هادية كأنه في
"باريس" مش في رمسيس!

يحيى كان عايز يوصل لباب الخروج، بس
الطريق مسدود بكتل من الناس
"المكشرة". العادي إننا نسمع "وسع يا
أستاذ!" أو زق ودافشة. لكن يحيى وقف
قدام راجل ضخم كان سادد السكة، وبص له
بـ "عيون اللو سمحت" وقال بصوت رقيق:

"يا أفندينا، لو سمحت تسمح لي بمساحة
صغيرة أعدي منها؟ مش عايز أقطع خلوتك
مع المترو بس المحطة جاية!"

الراجل الضخم اللي كان وشه "خشب"،
بص ليحيى بدهشة، وفجأة ملامحه لانت
وضحك وقال له: "من عيون اللو سمحت يا
ذوق! اتفضل يا باشا، ده أنت اللي فتحت
نفسي على الصبح بكلامك ده."

العدوى انتقلت! الناس بدأت توسع لبعض
بشياكة، واللي كان مكشّر بدأ يبتسم، ويحيى

نزل من المترو وهو سايب وراه "موجة
لطافة" غيرت ملامح المحطة كلها بكلمتين
وبس.

كبسولة لطافة:

الرقعة هي اللغة اللي بتفك شفرة أي زحمة..
جرب تخاطب (الأفندي) اللي جوّه كل
شخص بـ (لو سمحت)، وهتلاقي الدنيا بقت
أروق بكثير مما تتخيل.

الحكاية العاشرة

قانون مود عيون اللو سمحت رقم
(10):

لما تطلب حاجتك بـ (لو سمحت)، أنت مش
بتشتري سلعة بس، إنت بتشتري (خاطر)
اللي بيع لك.. والرد بـ (من عيون اللو
سمحت) هو الإشارة إنك قدرت تعبته، فقرر
يكافئك بأجمل ما عنده.

برتقالة عم صبحي

كان "عم صبحي" واقف ورا فرشاة الفاكهة
بتاعته، وشه "مكرم" من الشمس
والتعب، والناس حواليه بتفاصل وتزعق
وتتقي الفاكهة بـ "عنف" كأنهم في معركة
حربية. وسط الهيصه دي، ظهرت "ندى".

ندى مقربتش من الفاكهة وبدأت تتبش
فيها، لكن وقفت قدام عم صبحي بابتسامة
صافية وقالت له:

"يا عم صبحي، يا ملك البرتقال.. لو
سمحت، ممكن تتقي لي بإيدك الكريمة دي
2 كيلو برتقال يكونوا سكر زيك؟ أنا واثقة
في ذوقك."

عم صبحي سكت لحظة، وفجأة ضهره
المحذب اتفرد، والضيق اللي في عينه اتبدل
بلمعة فرحة مش مصدقها. مسح إيده في
المريلة بتاعته وقال لها بصوت فيه نبرة
اعتزاز:

"من عيون اللو سمحت يا ست البنات! ده
أنا هنقي لك (نواره) الفرشة.. ده أنت
طلبتني بـ (أصل) والرد لازم يكون بـ
(كرم)."

عم صبحي بقى ينقى البرتقالة الواحدة
وكأنها دانتيل، ويلمعها، وحط لها واحدة
زيادة "فوق البيعة" وهو بيقول لها: "دي
عشان ضحكك اللي رحت قلبي". ندى
مشيت بشنطتها، وعم صبحي فضل يبيع
لباقي الناس وهو بيغني، وكان كلمة "لو
سمحت" كانت هي "الفيتامين" اللي
محتاجه عشان يكمل يومه.

كبسولة لطافة:

الناس الشقيانة محتاجة (كلمة حلوة) أكثر
ما هي محتاجة (فلوس).. قدر تعب غيرك بـ
(لو سمحت)، وهتاخد أحسن ما عند الناس
وأنت رافع راسك بـ (أدبك).

الحكاية الحادية عشر

قانون مود عيون اللو سمحت رقم
(11):

الكلمة اللطيفة بتبرد نار المكواة.. لما تطلب
حاجتك بشياكة، أنت بتخلي اللي بيخدمك
يشغل بـ (مزاج)، والنتيجة دائماً بتكون
(هدوم مكوية بـ ذمة) ونفس راضية.

عم رجب وفستان الهانم

"عم رجب" المكوجي كان واقف وسط
البخار اللي طالع من المكواة، وشايل هم
"الكوم الحرير" اللي قدامه. الزباين دائماً
مستعجلين، ودايمًا كلامهم فيه صيغة أمر:
"خلصني يا عم رجب!"، "إياك تحرقه!".

دخلت عليه "مريم"، ومعها فستان رقيق
جداً، وقفت بهدوء واستنت لما خلص اللي
في إيده، وبصت له بابتسامة وقالت:

"يا عم رجب، يا فنان الهدوم.. الفستان ده
غالي على قلبي جداً، ومحدث يقدر يظبطه
غير لمسة إيدك الخبيرة. لو سمحت، ممكن
تاخده في حضن مكواتك وتخليه يرجع جديد
زي ما كان؟"

عم رجب نزل المكواة من إيده، ومسح
جبهته وهو بيضحك من قلبه وقال:

"يا خبر يا بنتي! ده أنا أخده في عيني قبل
مكواتي.. من عيون اللو سمحت! ده الكلام
الحلو ده يخلي الحرير يتفرد لوحده من غير
بخار."

عم رجب ساب كل اللي في إيده، ومسك
فستان مريم كأنه بيمسح على راس طفل

صغير، وطلّعه "مسطرة" ورفض يأخذ
حسابه الزيادة وهو يقول: "كفاية جبر
الخاطر اللي عملتيه في وسط الدوشة دي يا
هانم".

الحكاية الثانية عشر

قانون مود عيون اللو سمحت رقم
(12):

المرض مش بس وجع في الجسم، ده خوف
في الروح.. ولما الدكتور يستخدم (لو
سمحت) و(اطمن) مع مريضه، هو بيدي له
أول جرعة شفا. طمأنة المريض مش مجرد
ذوق، دي 90% من العلاج.

روشته دكتور حسين

في طريقة المستشفى الضيقة، كان "عم
محمود" قاعد، إيده بترعش وهو ماسك
الإشاعات، وعينه مليانة قلق من الكلام
الكبير اللي سمعه بره. دخل لعيادة دكتور
حسين، وهو مستني يشوف دكتور جاد،

بيكتب بسرعة، وعينه في الورق مش في
وش المريض.

لكن دكتور حسين قام من ورا مكتبه،
وبابتسامة هادية جدًا استقبل عم محمود
وقال له:

"أهلاً يا بطل.. لو سمحت يا عم محمود،
ارتاح خالص وفك التكشيرة دي، إحنا هنا
عشان نروق الدنيا مش عشان نخوفك.
ممكن تسمح لي أشوف الورق ده وإننت
بتشرب كوباية المية دي؟"

نبرة صوت دكتور حسين "الحنينة" خلّت
قلب عم محمود يهدأ. دكتور حسين
ممسكش القلم يكتب روشتة فوراً، لكن قعد
جنبه وقال له: "بص يا حاج، المرض ده
ضيف تقيل بس إحنا أقوى منه بالرضا
والطمأنينة. من عيون اللو سمحت، أنا

معاك خطوة بخطوة لحد ما ترجع تمشي في
الشارع وتوزع ضحكك دي تاني."

عم محمود خرج من العيادة مش بس معاه
ورق، ده خرج وهو حاسس إن الحمل
انزاح عن كتافه. الوجدع لسه موجود، بس
"الروح" بقت قوية وجاهزة للمقاومة.
دكتور حسين أثبت إن اللطافة هي
"المشرط" اللي بيشيل الخوف من القلوب.

كبسولة لطافة:

خليك دكتور لروح اللي قدامك قبل ما تعالج
مشكلته.. الكلمة اللي بتطمئن، بتفتح أبواب
الشفاء اللي قفلتها الهموم. كونك (إنسان)
دي أعظم شهادة ممكن تعلقها على الحيلة.

الحكاية الثالثة عشر

قانون مود عيون اللو سمحت رقم
(13):

لما تقابلك عين محتارة ويد بتترعش،
اعرف إن دي دعوتك النهارده عشان تكون
(جبر خاطر) ماشي على الأرض. مساعدة
المحتاج مش فرض كفاية، دي رقيّ في
التعبير عن امتنانك لربنا إنه خلاك أنت
(المُعِين) مش (المُحْتَاج).

دعوة الست أمينة

قدام بوابة البنك الزجاجية الكبيرة، كانت
واقفة الست "أمينة"، ضامة شنطتها
السمرا القديمة على صدرها، وعينيها
بتتحرك في قلق بين الناس اللي داخلية
وخارجية بسرعة. كانت ماسكة في أيدها
ورقة مكتوب فيها أرقام، ومش عارفة تبدأ

منين ولا تقول لمنين، والكل حواليتها
"مستعجل" ووشوشهم غرقانة في
الموبايلات.

بطلنا "طارق"، شاب كان داخل يخلص
ورق بسرعة، لفت نظره ملامحها اللي
بتشبه ملامح والدته. وقف جنبها وبص لها
بـ "عيون اللو سمحت" وقال لها بصوت
هادي:

"صباح الخير يا ست الكل، محتاجة
مساعدة في حاجة؟ لو سمحت اعتبريني
ابنك وقولي لي الورقة دي فيها إيه؟"

الست أمينة اتنفست الصعداء وقالت بصوت
مهمزوز: "يا ابني، ابني الوحيد في الغربية
بعث لي قرشين عشان العلاج، وأنا لا
بعرف أقرا ولا أفك الخط، وخايفة أدخل
يضحكوا عليا أو يكسفوني."

طارق ابتسم لها وقال: "من عيون اللو
سمحت يا أمي! ده أنا اللي ليا الشرف".
طارق مسك إيدها ودخل معاها، وقف في
الطابور بدالها، وكلم الموظف بمنتهى الأدب
وهو بيقدمها كأنها "ملكة"، ولما خلصت
وسحبت الفلوس، وصلها لحد بره وطلب
لها تاكسي.

الست أمينة رفعت إيدها للسما وقالت له:
"روح يا ابني، ربنا يوقف لك ولاد الحلال
اللي يفتحوا لك الأبواب المقفولة زي ما
فتحت لي باب البنك النهاردة بقلبك
الأبيض". طارق رجع شغله وهو حاسس
إن يومه لسه بيبدأ، وإن دعوة الست أمينة
كانت أغلى من أي رصيد في البنك.

كيسولة لطافة:

الرقعي مش في شكل لبسك ولا نوع
موبايلك، الرقعي الحقيقي هو إزاي تتعامل
مع حد (أضعف منك) أو (محتاج لك). خليك
دائمًا السند للي خايف، وهتلاقي الدنيا كلها
بتبقى (الطيفة) معاك في أصعب لحظاتك.

الحكاية الرابعة عشر

قانون مود عيون اللو سمحت رقم
(14):

المجالس أمانات، والرقمي مش بس في
طريقة كلامك، ده في (سكوتك) عن سيرة
الناس.. لما تلاقي قعدة بدأت "تصفر"،
استخدم سلاح اللو سمحت عشان ترجع لها
بياضها، وتفكر الكل إن غيبة الغائب ذنب لا
يليق بهوانم وأفندية.

طبق الحلويات

في "قعدة صبحية" رقيقة بين الجيران،
والكل يشرب قهوته ومستمع، فجأة واحدة
بدأت الكلام بـ: "سمعتوا اللي حصل لمدام
فلانة؟ يقولوا إنها.." وبدأت تفرش "ملاية
الإشاعات" وتوزع أخبار ميعرفش حد مدى

صحتها، والكل بدأ يميل بودنه عشان يسمع
"التحبيشة".

بطلتنا "ليلى" حسّت إن القعدة اتلوّثت،
وبدل ما تتسحب أو تزعق، رفعت طبق
الحلويات وقدمته للجارة اللي بتتكلم وبصت
لها بـ "عيون اللو سمحت" وقالت لها
بابتسامة هادية:

"يا حبيبتي، لو سمحتِ بلاش نتحلى بسيرة
الناس وإحنا معانا الحلويات الجميلة دي.
مدام فلانة مش معانا عشان تدافع عن
نفسها، ومن عيون اللو سمحت، خلىنا
ندعي لها بظهر الغيب ونفتكر لها الحاجات
الحلوة اللي عملتها معانا.. القعدة بيك أحلى
بكثير من غير سيرة حد."

المكان سكت فجأة.. الجارة اللي كانت بتتكلم
وشها أحمرّ بكسوف، والكل بدأ يحس بـ

"شياكة" ليلي في الرد. مفيش خناقة
حصات، بس "الإشاعة" ماتت في مهدها،
والقعدة رجعت تضحك وتكلم في مواضيع
تفتح النفس.

الحكاية الخامسة عشر

جروب الواتساب

على جروب العيلة، نزلت رسالة "تحذيرية" طويلة عريضة عن شخص معروف في المنطقة، وكلام بيمس سمعته وشرفه، وبدأت الردود تنزل: "ياساتر!", "كنت حاسس!".

بطلنا "عمر" شاف الرسالة، وبدل ما يعمل "Forward" ويشارك في الجريمة، كتب رد رقيق جدًا:

"يا جماعة الخير، لو سمحتوا قبل ما ننشر كلام يهد بيوت، خلينا نتأكد. إحنا ولاد أصول، والأصول بتقول إننا نستر مش نفضح. من عيون الو سمحت، بلاش نكون إحنا (الكوبري) اللي بتعدي عليه الإشاعات

دي. الكلمة أمانة، ومشاعر الشخص ده
وأهله غالية علينا."

كلمة "عمر" كانت زي المطر اللي طفى
الحريقة. الناس بدأت تمسح رسايلها،
والجروب اللي كان هيتحول لـ "محكمة"
بقي مكان للدعاء بالهداية والستر.

كبسولة لطافة:

لما ترفض تسمع غيبة، أنت بتعلم اللي
قدامك إزاي يحترم نفسه قبل ما يحترم
الغائب.. كون أنت (الفلتر) اللي بينقي كلام
المجالس، وخلي شعارك: (من عيوني
أسمعك في كل خير، ومن فضلك اعفيني من
أي شر).

الحكاية السادسة عشر

سؤال.. ووردة رد

في مناسبة عائلية سعيدة، كانت "نودا" قاعدة، والكل فرحان. فجأة، واحدة من القرايب، بفضول "زائد" شوية، سألت نودا قدام الكل: "ها يا نودا، مش هنفرح بيك بقى؟ القطر بيفوت والسن بيجري!"

السؤال وقع زي "الدبش" وسط القعدة، والكل سكت ومستتي يشوف نودا هترد إزاي.

نودا خدت نفس هادي، وبكل رقة وابتسامة صافية، مالت على قريبتها وقالت لها:

"يا طنط يا حبيبتي، تسلم لي لهفتك عليا، دي من أصلك الطيب. لو سمحت ادعي لي بس إن ربنا يكتب لي الخير في وقته، لأن ربنا كريم جدًا ومستتية منه الأجمل. ومن

عيون اللو سمحت، خلينا نركز النهارده في
فرحة صاحبة المناسبة لأنها تستاهل منّا
كل الحب."

الرد كان زي "البلم"؛ حمى مشاعر نودا
من غير ما تخرج قريبتها، وفي نفس الوقت
"قفل" الباب على الفضول بمنتهى الرقي.
القريبة نفسها انكسفت من رقة الرد وقالت
لها: "ربنا يسعد قلبك يا بنتي، أنتِ فعلاً
هانم وشيك حتى في ردك".

الحكاية السابعة عشر

كان فيه "إشاعة" طالعة في العمارة إن
"هبة" سابت شغلها لأنها "فشلت" فيه.
الجيران بدأوا يبصوا لهبة بنظرات "شفقة"
صفراء، وفي واحدة منهم قابلتها على
السلم وقالت لها بنبرة شمتانة: "سمعنا إنك
قعدتي في البيت يا حبيبتي، معلش الشغل
مش لكل الناس!"

هبة، بطلّة "مود عيون اللو سمحت"،
ملاحها ما اتهمزتش. بصت لجارتها وقالت
بابتسامة واثقة:

"لو سمحت يا طنط، بلاش نصدق كل اللي
بيقال. أنا قررت أخذ إجازة أرتب فيها
أولوياتي، ومن عيون اللو سمحت، أنا حابة
إن جيرتنا تفضل دايمًا مبنية على الكلمة

الحلوة والدعاء بالتوفيق لبعض. إحنا ولاد
عمارة واحدة والستر بينا واجب."

الجارة ملقيتش كلمة ترد بيها غير: "عندك
حق يا بنتي، ربنا يوفقك". هبة قدرت بكلمة
"لو سمحت" إنها تحط حدود وتحفظ غيبتها
من غير ما تخسر جارتها.

الحكاية الثامنة عشر

أفندي في وسط الزيتة

في "قعدة رجالة" على القهوة، واحد بدأ يذم في زميل ليهم غايب ويقول: "ده فلان ده بخيل جدًا ومبيعملش واجب مع حد".

"عصام"، اللي قاعد بيشررب شاي ومنسجم، ساب كوبايته وقال بهدوء:

"يا جماعة، لو سمحتوا، إحنا منعرفش ظروف الناس إيه. يمكن فلان ده بيعمل خير إحنا منعرفوش، أو عنده مسؤوليات ثقيلة. من عيون اللو سمحت، خرينا نتكلم في الكورة أو في الشغل، ونسبب البيوت مقفولة على أسرارها. إحنا قعدتنا دي غالية عشان إحنا (رجالة) وبنحترم بعض."

الرجالة كلهم سكتوا، والواحد اللي كان بيذم حس بصغر حجمه قدام "رقي" عصام.

القعدة كملت في ضحك وهزار نضيف،
بفضل "أفندي" قرر يحفظ غيبة زميله.

كبسولة لطافة:

جبر الخواطر وإيقاف الشائعات مش بس
أخلاق، ده (فلتر) لروحك أنت قبل أي حد..
لما ترفض تسمع أو تقول كلمة تجرح
غائب، أنت بتفرش لقلبك ورد يريحك في
نومك. خليك دائماً (حائط الصد) الرقيق ضد
أي كلام أصفر.

الحكاية التاسعة عشر

قانون مود عيون اللو سمحت رقم
(19):

كلمة (أنا مالي) بتطفي النور في القلوب،
لكن كلمة (لو سمحت) في وش الظالم بتبني
جدار حماية للمظلوم.. الرقي الحقيقي هو
إنك تكون السند للي ملوش سند، وتوقف
الغلط بـ (شياكة) بس بـ (حزم).

شهادة الحق.. ورقى الموقف

في مصلحة حكومية، كان فيه موظف
صوته عالي جدًا وبينهر ست غلبانة لأنها
مش فاهمة الورق المطلوب، والست كانت
واقفة بتترعش وعينيها مليانة دموع والكل
باصص في موبايله ويقول "أنا مالي".

بطلنا "خالد" قفل موبايله، وقرب من مكتب
الموظف بمنتهى الهدوء، وبص له بـ
"عيون اللو سمحت" وقال له بصوت واثق
ومسموع:

"أستاذي الفاضل، لو سمحت، الست دي في
مقام والدتنا كلنا، والضغط اللي حضرتك فيه
أكيد مش ذنبها. من عيون اللو سمحت،
ممکن نهدي السرعة شوية وأنا هساعدھا
تفهم المطلوب عشان نسهل عليك وعليھا؟
الكرسي ده تكليف قبل ما يكون تشريف يا
أفندينا."

الموظف اللي كان "هاييج"، فجأة صوته
هدي واتكسف من أدب خالد، وبدأ يتعامل
برقي، والست دعت لخالد دعوة من قلبھا.
خالد محتاجش يزعق عشان يوقف الظلم،
محتاج بس "شجاعة اللطافة".

الحكاية العشرون فخ التتمر.. والرد الحاسم

مجموعة من الشباب كانوا قاعدين
بيضحكوا بصوت عالي على زميل ليهم
بسيط في لبسه وطريقته، والشاب كان
واقف محرج ومش عارف يروح فين،
والناس بتتفرج من بعيد وتقول "شاب
وبهزروا".

بطلتنا "نورا" كانت معدية، وقفت في نص
الدائرة بابتسامة رقيقة بس عينيها فيها
"قوة"، وقالت لواحد من الشباب:

"يا باشا، لو سمحت، ذوقك ورقيك أكبر
بكثير من إنك تضحك على حد. إحنا جيل
بيفهم في الأصول، والأصول بتقول إننا
نرفع بعض مش نكسر بعض. من عيون

الو سمحت، خرينا نضحك (مع بعض) مش
(على بعض)، لأن زميلنا ده قيمته عالية
عندنا كلنا."

الشباب سكتوا، والواحد اللي كان بيتتمر
اعتذر لزميله، والشباب البسيط رفع راسه
بابتسامة امتنان لنورا اللي ما قالتش "أنا
مالي" في وش الموقف.

الحكاية الحادية والعشرون

طابور الأمانة.. ومنع المحسوبية

في طابور بنك أو سوبر ماركت، واحد "واسطة" جه ودخل قدام الكل، والناس بدأت تتوشوش "ده حرام" و"ظلم" بس محدش اتكلم.

"ياسين" بطننا، وقف وبص للشخص اللي دخل وقاله بمنتهى اللباقة:

"يا أفندي، لو سمحت، الطابور ده فيه ناس واقفة بقالها ساعة، ومن رقي حضرتك إنك تلتزم بالدور عشان كلنا ناخد حقنا بـ (أدب). من عيون اللو سمحت، خرينا نكون قدوة لبعض في النظام، وحق حضرتك محفوظ بس لما يجي دورك."

الشخص ملقاش ثغرة يزعق منها لأن رد ياسين كان "مهذب جدًا"، فرجع ورا في

هدوء، والطابور كله حس إن "الحق" رجع
بكلمة حلوة.

الحكاية الثانية والعشرون

غلطة السواق.. والستر الجميل

سواق تاكسي غلط في السكة، والراكب اللي معاه بدأ يشتمه ويقل بأصله والناس بدأت تتجمع تتفرج.

واحد معدي شاف المنظر، قرب وقال للراكب:

"لو سمحت يا أستاذ، الراجل ده في سن والدك، والغلط وارد لينا كلنا. من عيون اللو سمحت، بلاش الكلمة الصعبة دي، حل المشكلة بهدوء أسرع بكتير من الزعيق. خلي رقتك هي اللي تحكم الموقف مش انفعالك."

الراكب هدي، والسواق عينه دمعت من جبر خاطر، والموقف انتهى بسلام.

كيسولة لطافة:

اللطافة مش سلبية، اللطافة (موقف).. لما
تجد حد بيتظلم، أنت مش بس بتساعده،
أنت بتنصف المجتمع من قسوة القلب. الغي
(أنا مالي) من قاموسك، واستبدلها بـ (من
عيوني الحق يرجع لأصحابه).

الحكاية الثالثة والعشرون

أصلك الطيب.. مش جيبك ولا سنك

في قعدة رجالة بعد صلاة الجمعة، كان فيه واحد "لسانه فالت" شوية، قعد يمازح شاب بسيط من الجيران اسمه "حسن" بأسلوب فيه تمر ومعايرة. قاله بصوت مسموع: "يا حسن، ها يا ابني مش ناوي تستر نفسك وتتجوز بقى؟ ولا الفقر والوظيفة الغلابة دي هما اللي مانعينك؟ القطر بيفوتك يا بطل!"

حسن وشه جاب ألوان، والضحكات الخافتة بدأت تطلع من اللي قاعدين، وكأن الفقر أو تأخر الزواج ده "عيبة" الشخص اختارها بنفسه.

هنا، يوسف ساب فنجان القهوة بتاعه،
وبص للراجل اللي اتكلم بمنتهى الهدوء
والثبات، وقال له بـ "عيون اللو سمحت":

"يا أستاذنا، لو سمحت.. إحنا اتعلمنا إن
الأرزاق بيد ربنا وحده، لا الجيب المليان
شطارة، ولا الجواز نصيب بنشتره من
السوبر ماركت. حسن راجل بـ (أصله)
وبشغله الحلال، ومن عيون اللو سمحت،
خلينا نوزن كلامنا بميزان (الأصول)، لأن
رقيّ المجلس بيكمل لما نحترم خصوصيات
وأقدار بعض. الكلمة الحلوة هي اللي بتدوم،
والفقر الحقيقي هو فقر الذوق مش فقر
الجيب."

المكان سكت سكتة "هيبة"، والراجل اللي
كان بيعاير حسن اتكسف جدًا وحس إنه
صغر قدام رقي يوسف. حسن رفع راسه

وحس إن كرامته اتردت ليه من غير خناقة،
بفضل "راجل" عرف يوقف الغلط بشياكة.

كبسولة لطافة:

المعايرة بالأقدار قلة أصل، والرد عليها بـ
(أدب وحزم) هو قمة الرجولة. لما تلاقي
حد بيتوجع من كلمة، كون أنت (الضمد)
اللي بيطيب خاطره والدرع اللي بيحمي
كرامته. تذكر دائماً: بيوت الناس أسرار،
وأرزاقهم أقداس.. فاحترم (لو سمحت)
قدسية أقدار غيرك.

الحكاية الرابعة والعشرون

رحلة ستو مريم لأرض الأجداد

قانون مود عيون اللو سمحت رقم (24):

اللطافة مش اختراع جديد، دي لغة اتنقشت على جدران المعابد قبل الورق.. لما تقول (لو سمحت)، أنت بتستحضر رقي ملكي فرعوني قديم، والرد بـ (من عيون اللو سمحت) هو الوريد اللي بيوصل حاضرننا بماضيينا العظيم.

مريم والكاتب المصري.. أدب الحوار

دخلت مريم السرداب، فلقيت نفسها قدام "الكاتب المصري" وهو قاعد بوقاره المعهود. مريم بعيونها البنية اللي نورت في شمس طيبة، قربت منه وقالت: "يا جدي الفاضل، لو سمحت، ممكن تعلمني سر الحكمة اللي بتكتبها؟"

الكاتب ساب ريشته وبص لها بابتسامة
ملكية وقال: "من عيون اللو سمحت يا
حفيدة الشمس.. السر مش في اللي بنكتبه،
السر في (الكلمة الطيبة) اللي بنوزنها بقلبنا
قبل لساننا، عشان تفضل خالدة زي
الحجر."

الحكاية الخامسة والعشرون

مريم والفلاحة الصبورة.. رقي العطاء

مشيت مريم على ضفاف النيل، شافت
فلاحة شائلة جرة مية وباين عليها التعب.
مريم قربت وقالت: "لو سمحت يا خالة،
ممكن أشيل عنك شوية؟ عيون اللو سمحت
بتقول إن الحمل ثقيل.. الفلاحة انبهرت
برقة البنوتة وقالت: "من عيون اللو
سمحت يا جميلة الروح.. في بلادنا، الضيف
هو اللي بيؤمر، والكلمة الحلوة دي بردت
ناري أكثر من مية النيل." واتعلمت مريم
إن المساعدة "فن" مش مجرد "واجب".

الحكاية السادسة والعشرون

في حضرة الملكة.. فن الاعتذار

دخلت مريم قاعة العرش، وبالغلط خطبت في فاقة عالية. الحرس اتجمعوا، لكن مريم بصت للملكة بكل ثبات ورقة وقالت: "لو سمحت يا جلالة الملكة، اعتذاري بـ (مود عيون اللو سمحت) يسبق خوفا.. الرقة هزمتني فغلطت، والطف يخليني أصلح ما انكسر." الملكة ابتسمت وقالت: "اللي بيعرف يعتذر بجمالك ده، يستحق يلبس تاج الأخلاق، تعالي اقعدني جنبى يا ست البنات."

الحكاية السابعة والعشرون

سوق المقايضة.. أمانة التعامل

في سوق "منف"، مريم شافت تاجر بيتعامل بحدة مع طفل صغير. تدخلت مريم وقالت للتاجر: "يا عمو، لو سمحت، الطفل ده بكرا هيبقى راجل بيشيل اسمنا، لو سمحت عامله بـ (مود اللو سمحت) عشان يطلع قلبه أبيض زي الكتان اللي بتبيعه." التاجر هدي واعتذر للطفل، ومريم عرفت إن اللطافة هي العملة الوحيدة اللي قيمتها مابتنزلش.

الحكاية الثامنة والعشرون

الوصية.. وكنز اللطافة

وقبل ما مريم ترجع للسرداب، اجتمعوا الأجداد حواليتها، وادوها صندوق صغير مرصع باللزورد. الجد الأكبر قال لها: "يا مريم، وصيتنا ليكي: القلوب بيوت، ومفتاحها (لو سمحت).. والكنز اللي في إيدك ده مش ذهب، ده (سر الابتسامة) اللي بتهزم الدبش." مريم حضنت الصندوق، ورجعت وهي شايلة كنز اللطافة عشان توزعه في كتابها.

كيسولة لطافة:

إحنا ولاد ملوك، والملك الحقيقي هو اللي
بيحكم قلوب الناس بـ (أدبه).. لما تستخدم
لغة الأجداد في (الو سمحت)، أنت بتبني
هرم من الحب ما بينهارش أبداً.

الحكاية التاسعة والعشرون

أطفالنا بلغة اللو سمحت (صناعة جيل راقى)

قانون مود عيون اللو سمحت رقم (29):

الطفل مش بيسمع نصايحك، الطفل بيشوف
(أفعالك).. لما تقول لابنك "لو سمحت"،
أنت بتعلمه يحترم نفسه قبل ما يحترمك،
ولما يرد بـ "من عيوني"، اعرف إنك بنيت
جدار من الحب والحياء في قلبه.

موكا.. وسحر الكلمة في اللعب

كانت "موكا" قاعدة وسط ألعابها، ومش
عايزة تسيب اللعبة لأي حد. ستو مريم
قربت منها، وبدل ما تأمرها "سيبي
اللعبة!"، نزلت لمستواها وبصت لها بـ
"عيون اللو سمحت" وقالت لها: "يا
موكتي يا جميلة أنت، لو سمحت ممكن
تشاركيني معاك في اللعب؟ عيون اللو

سمحت حابة تلعب بالفستان الأحمر ده.
موكا عينيها لمعت، وبمنتهى الكرم مدت
أيدها وقالت بلهجة طفولية: "من عيوني يا
مريومة!". ستو مريم عرفت إن الاستئذان
هو اللي بيعلم الطفل الكرم، مش الأوامر.

الحكاية الثلاثون

حمودي.. وفن مساعدة الآخر

"حمودي" كان شايف ستو مريم وهي بتشيل حاجات ثقيلة، وقف يتفرج. مريم بصت له وقالت: "يا بطل الأبطال، لو سمحت، ممكن عضلاتك القوية دي تساعدني في شيل الكيس الصغير ده؟ محتاجة ذوقك معايا." حمودي حس بمسؤولية كبيرة، وجري شال الكيس وهو فخور بنفسه ورد: "من عيوني يا مريم، أنا البطل بتاعك!". واتعلم حمودي إن الرجولة هي "لطافة ومساعدة" بكلمة "لو سمحت".

الحكاية الحادية والثلاثون

خناقة الألوان.. والرد الشيك

موكا وحمودي اختلفوا على "قلم تلوين".
حمودي كان لسه هيشد القلم، ستو مريم
تدخلت وقالت: "يا حمودي، لو سمحت يا
بطل العيز، اطلب من موكا القلم بـ (مود
اللو سمحت) وشوف هي هترد بإيه."
حمودي قال: "موكا، لو سمحت عايز اللون
ده." موكا ردت فوراً: "من عيوني يا
حمودي!". ستو مريم ابتسمت وقالت لهم:
"شوفتوا؟ اللو سمحت بتخلي القلم يجي
بضحكة، مش بصرخة."

كيسولة لطافة:

ازرع (الو سمحت) في طفلك، هتحصل
(رقي) في شبابك.. التربية باللطافة هي
أقصر طريق لبناء إنسان سوي، بيعرف
ياخد حقه بـ (أدب) ويدي لغيره بـ (حب).

الخاتمة

قبل ما تمشي.. خليك بمود عيون اللو
سمحت

وصلنا لآخر صفحة، بس الحكاية الحقيقية
لسه بتبدأ في إيدك أنت..

يا اللي قرئت الكلمات دي، الكتاب ده مكنش
مجرد قصص بنحكيها، ده كان "دعوة
للحب" في زمن مبقاش فيه وقت للكلمة
الحلوة. إحنا جربنا سوا إزاي (لو سمحت)
ممکن تفتح باب مقفول، وإزاي (من عيون
اللو سمحت) بتمسح دمة وتطيب خاطر
مكسور.

عالمنا محتاج "لطافة" أكثر ما محتاج
"تكنولوجيا"، محتاج "رقعة" أكثر ما محتاج
"ذكاء".. محتاج قلوب بـ (مود عيون اللو
سمحت)، بتشوف الجمال في أبسط

التفاصيل، وبمعامل الكل كأنهم ملوك
وهوانم، مش عشان هما كده، بس عشان
أنت "أصلك" كده.

وصيتي ليك قبل ما تمشي:

ما تخلّيش اللطافة تقف هنا.. خدّها معاك في
المترو، في الشغل، في البيت، ومع نفسك
قبل أي حد. كن أنت "النسمة" اللي بتهون
حر الأيام على اللي حواليك.

وافتكّر دايماً.. الكلمة اللي بتطلع بـ (أدب)،
بترجع لك (حب) ملوش حدود.

ومن عيون اللو سمحت.. خليك دايماً بخير.

تمت بحمد الله..

مود عيون اللو سمحت - 2026

الحكاية ليها بقية..

لكل قصة نهاية، إلا حكايات "اللطافة"،
فهي زي مية النيل.. بتجدد نفسها كل يوم
بموقف جديد، وضحكة صافية، وكلمة (لو
سمحت) بتطلع من القلب.

إذا كانت دي نهاية الجزء الأول من "قنبلة
اللطافة"، فهي مجرد "استراحة محارب"
رقيق، بيجمع طاقته عشان يرجع لكم
بجرعات تانية من الحب والرقى. لسه في
سرداب الزمان أسرار محكيناش عنها،
ولسه في بيوتنا وشوارعنا مواقف محتاجة
لمسة من (مود عيون اللو سمحت).

أوعدكم..

إننا هنتقابل تاني في جزء جديد، بحكايات
أعمق، ولطافة أقوى، وأبطال جدد
هيعلمونا إن "الأصول" مابتخلصش، وإن

مريم توركان لسه عندها كنز من الحكايات
مستتي يخرج للنور.

إلى لقاء قريب.. في عالم أجمل بكلماتكم
الطيبة.

قريبًا.. الجزء الثاني من "قنبلة اللطافة"

استعدوا لجرعة حنان جديدة!

مريم توركان

(ستو مريم)